



COMUNE DE MONTELEONE

PROVÌNTZIA DE TÀTARI

REGULAMENTU COMUNALE PRO SA GESTIONE DE S'ALBU PRETÒRIU ONLINE

Aprovadu cun deliberatzione de su Consìgiu Comunale n. 3 de su 18/01/2013

ÌNDITZE:

Art. 1 - Ogetu e riferimentos normativos

Art. 2 - Definitzione

Art. 3 - Modalidades de atzessu a s'Albu Pretòriu online

Art. 4 - Atzessibilidade

Art. 5 - Responsabilidade de su contivìgiu de s'Albu

Art. 6 - Atos sugetos a sa publicatzione

Art. 7 - Modalide de publicatzione

Art. 8 - Publicatzione integrale de sos atos

Art. 9 - Tutela de sa siguresa e inviolabilidade de sos datos e de sa secretesa de sos atos de s'Amministratzione Comunale

Art. 10 - Publitcatzione de sas determinatziones

Art. 11 - Garantzias a sa secretesa

Art. 12 - Repertòriu de sas publicatziones

Art. 13 - Atestatzione e tertificatzione de publicatzione avènnida

Art. 14 - Diritos de atzessu a sos atos publicados in s'Albu Pretòriu on-line

Art. 15 - Intrada in vigore

Art. 16 - Normas de rinviu

Artìculu 1 – Ogetu e riferimentos normativos

1. Su Regulamentu presente disciplinat s'organizatzione e sas modalidades de gestione de su servìtziu relativu a su contivìgiu de s'Albu Pretòriu Online de su Comune de Monteleone, in cunformidade a cantu disciplinadu dae s'art. 32 comma 1 de sa Lege 18.06.2009 n. 69 e modificas e integrazziones imbenientes. Custu servìtziu sostituit cussu fatu pro mèdiu de publicatzione in sos logos apòsitos de materiale in pabilu.
2. Su balore probatòriu de sos atos e provvedimenti amministrativos est disciplinadu dae sa lege.

Artìculu 2 – Definitzione

1. S'Albu Pretòriu est s'strumentu in ue chie si siat podet leare visione e atzèdere pro mèdiu de achisizione de còpia informàtica de sos atos e de sos provvedimenti emìtidos dae su Comune, e puru de sos atos e de sos provvedimenti emìtidos dae àteros Entes chi semper e cando riguardent sa comunidade, pro chi sos tzitadinos s'ingulos o assotziados epant ogni informatzione oportuna puru dereta a sa tutela de sos diritos e interessos pròpios.

Artìculu 3 - Modalidades de atzessu a s'Albu Pretòriu online

1. S'Albu Pretòriu online est postu in sa prima pàgina de abertura (g.n. « Home page ») de su situ istituzionale de su Comune, cun unu cullegamentu apòsitu (g.n. « link ») denumenadu « Albu Pretòriu » distinta dae cussa dedicata a sa publicatzione de sos datos elencados in s'Artìculu 54 de su D.Lgs. 07.03.2005 n. 82, « Còdighe de s'amministratzione digitale ».
2. Sa publicatzione de atos in s'Albu Pretòriu online est finalizada a frunire presuntzione de connoschèntzia legale de sos matessis, a cale si siat efetu giurìdicu ispetzìficu issu acumprat (publitzidade, notìtzia, declarativa, costitutiva, integrativa de s'eficàtzia, etz.).

Artìculu 4 – Atzessibilitàde

1. S'Albu Pretòriu online devet èssere atzessibile ogni die de s'annu, francu interruttiones determinadas dae càusas de forza majore ossiat mantentziones de sos machinàrios e de sos programmas netzessàrios e indispensàbiles pro su funtzionamentu curretu de su situ informàticu de s'albu.

Artìculu 5 - Responsabilidade de su contivìgiu de s'Albu

1. Su servìtziu de gestione de s'albu pretòriu online de su Comune est contivigiadu dae su responsàbile de su protzedimentu, individuadu cun provedimentu de su responsàbile de su Servìtziu Amministrativu.
2. Sa responsabilidade de sa gestione de s'Albu Pretòriu online est afidada a su Responsàbile de su Servìtziu Amministrativu in s'àmbitu de su cale òperat su servìtziu de publicatzione de sos atos.
3. Su Responsàbile de su protzedimentu providit:
 - a achisire sos atos de publicare, dae s'Ufitziu protocollu;
 - a iscansionare sos atos perbènnidos in pabilu;

- a sa publicatzione in sa setzione “Albu pretòriu online”, presente in su situ istituzionale de s’ente,
- a emitere atestatzione apòsita de publicatzione avènnida in bia digitale, imprende s’aplicativu apòsitu postu a dispositzione dae s’Amministratzione.

Artìculu 6 - Atos sugetos a sa publicatzione

1. Sunt sugetos a sa publicatzione in s’Albu pretòriu online totu sos atos pro sos cales sa lege nde previdit s’acumprimentu.
2. Siat sos atos internos chi cussos esternos sunt publicados in sa versione integrale issoro e cunforme a s’originale, cumpresos puru sos allegados relativos, francu cantu prevididu dae s’artìculu 6 imbeniente de su regulamentu presente. Sos provvedimenti sunt publicados in unu formadu digitale chi nde garantet sa resistèntzia.

Artìculu 7 - Modalidade de publicatzione

1. Sa publicatzione de sos atos, a incuru de su responsàbile de su protzedimentu individuadu cun provedimentu de su Responsàbile de su Servìtziu Amministrativu, avenit pro mèdiu de s’impreu de unu applicativu informàticu apòsitu.
2. Sos documentos firmant publicados pro su tempus istabilidu dae sas dispositziones singulas de lege o de regulamentu. In ue custu non siat istabilidu sa durada est de sessanta dies. Sa publicatzione avenit pro dies intreas, naturales e de sighidu, cumpresas sas festividades tziviles.
3. Durante sa publicatzione non podet èssere sostituidu o modificadu su cuntenutu de sos documentos.
4. Sostitutzione o modificas eventuales devent resurtare a manera formale dae su matessi documentu sostituidu o modificadu ossiàt dae un’àteru atu allegadu a su matessi, a manera de fàghere su cuntenutu de sa modìfica fata intellegibile a manera fàtzile e esata ossiàt sos estremos de s’atu sostituidu, su sugetu chi nd’at dadu dispositzione e su sugetu chi at esecutadu sa modìfica o sa sostitutzione. Su tèrmine de publicatzione torrat a cumintzare a decùrrere dae nou dae sa data de sa sostitutzione o modìfica avènnida.
5. S’òrganu o s’ufitziu cumpetente podet rechèdere, cun rechesta iscritta e motivada presentada a su protocollu, s’interruzione de sa publicatzione.
6. A s’iscadèntzia de su tèrmine de publicatzione, sos atos non si podent prus visionare. Custos documentos podent èssere consultàbiles in àteras setziones de su situ chi istràngiant sas informatziones de natura istituzionale prevididas dae s’Artìculu 54 de su D.Lgs n. 82/2005.

Artìculu 8 - Publicatzione integrale de sos atos

1. Sos atos internos de s’Amministratzione, cun sos allegados relativos, sunt, de norma, publicados in su cuntenutu integrale issoro, mantenende su rispetu de cantu detadu dae su Còdighe de sa *Privacy* e dae su Garante pro sa protètzione de sos datos.
2. In dèroga a su printzìpiu de integralidade, si in casu mai sa tipologia (es. cartografias/planimetrias) e/o sa cunsistèntzia e/o su nùmeru de sos atos de publicare, puru si cuntènnidos in suportu informàticu, no nde cunsentant s’afissione integrale in s’albu Pretòriu online, si protzedet segundu cantu dispostu in su comma imbeniente.

Artìculu 9 - Tutela de sa siguresa e inviolabilidade de sos datos e de sa secretesa de sos atos de s’Amministratzione Comunale

1. Sas modalidades de publicatzione in s’Albu Pretòriu online de sos atos e de sos datos personales cuntènnidos in issos, e puru sos documentos chi provenint dae sugetos esternos

- abilitados, divent àere caraterìsticas de siguresa e inviolabilidade cunformes a sas mesuras prevìdidas dae sos artìculos 31 e sighentes de su D.Lgs. n. 196/2003 e dae s'art. 51 de su D.Lgs. m. 82/2005 e modìficas e integratziones imbenientes.
2. Sa responsabilidade de su tratamentu de sos datos publicados gravat ebbia subra de chie nde dimandat sa publicatzione.
 3. In cunformidade a su printzìpiu de secretesa, sos atos destinados a sa publicatzione sunt fatos a manera de evitare su riferimentu a datos sensìbiles; si in casu mai custos datos esserent indispensàbiles pro s'adotzione de s'atu, issos divent èssere trasferidos in documentos torrados a cramare dae su provedimentu chi benint depositados a sos atos de s'ufitziu sena èssere allegados.
 4. Pro otènnere sa publicatzione de un'atu in s'Albu pretòriu, su responsàbile de su Servìtziu (o su responsàbile de su protzedimentu) chi l'at adotadu, providit a lu fàghere perbènnere a s'Ufitziu Protocolu in formadu digitale (a manera preferibile in formadu pdf), pro mèdiu de posta eletrònica o intranet, intro de sas duas dies de traballu in antis a cussu rechestu pro sa publicatzione.
 5. Su documentu de publicare devet perbènnere in s'Ufitziu Albu Pretòriu intro de duas dies in antis de sa data de cumintzu de sa publicatzione.
 6. Sa rechesta de publicatzione devet cuntènnere sa tipologia de s'atu, s'ogetu de s'atu de publicare, su tèrmine de cumintzu e cussu finale de publicatzione, su tèrmine eventuale de urgèntzia pro sa restitutzione.
 7. S'Ufitziu Protocolu providit a manera immediata a sa registratzione de sa rechesta e l'imbiat a tempus, e in ogni casu in tempus ùtile a su rispetu de su tèrmine de cumintzu rechestu pro sa publicatzione, a su responsàbile de su contivìgiu de s'albu Pretòriu online, su cale providit a sa registratzione de sos atos retzidos in su registru informatizadu realizadu a manera ispetzìfica pro repertoriare sos documentos publicados e a s'afissione imbeniente. Su registru cuntenit sos atos de s'amministratzione comunale e sos atos imbiados dae entes o sugetos esternos.
 8. S'atu publicadu e su refertu de publicatzione sunt torrados intro de 7 dies de traballu imbenientes a su tèrmine finale de publicatzione.

Artìculu 10 – Publicatzione de sas determinatziones

1. Sa publicatzione de sos atos in s'Albu, francas e abertas sas garantzias prevìdidas dae sa lege 07.08.1990, n. 241 in tema de atzessu a sos documentos amministrativos, avenit in su rispetu de sa tutela a sa secretesa de sos tzitadinos, segundu cantu dispostu dae su D.Lgs 30.06.2003, n. 196 e modìficas e integratziones imbenientes in matèria de tratamentu de sos datos sensìbiles e giuditziàrios.
2. S'atzessu a sos atos publicados in s'Albu Pretòriu online at a dèvere èssere cunsentidu ebbia in modalidade de letura, pro evitare chi sos matessis potzant èssere cantzellados dae su logu "web". Ant a pòdere èssere iscarrigados dae s'Albu Pretòriu online sos atos publicados in unu formadu eletrònicu tale chi impedit cale si siat mudadura de su matessi.
3. Sos titulares de sas bancas datos vàrias chi sos atos issoro relativos sunt publicados in s'albu garantint sa salvaguàrdia e su rispetu de sos printzìpios subra de sa secretesa intervenende subra de sas informatziones digitalizadas, prima de sa publicatzione issoro, adeguende las a sos cuntenutos de sas normas tzitadas in su comma 1 pretzedente.
4. Pro sas finalidades segundu su comma 3 pretzedente, sos atos destinados a sa publicatzione sunt redatzionados a manera de evitare su riferimentu ispetzìficu a datos sensìbiles; si in casu mai custos datos esserent indispensàbiles pro s'adotzione de s'atu, issos divent èssere trasferidos in documentos torrados a cramare dae su provedimentu, sena nde èssere allegados, ma declarados depositados in sos atos de s'ufitziu cumpetente.

Artìculu 12 - Repertòriu de sas publicatziones

1. Subra de registru apòsitu de pabilu e/o informàticu, a issu est dadu balore legale de sa protzedura esecutada, sunt annotados sos datos sighentes relativos a sa protzedura de publicatzione:
 - su nùmeru cronològicu pro ogni annu;
 - data de cunsigna de s'atu in s'ufitziu/servìtziu Albu Pretòriu Online;
 - sa natura e s'ogetu de s'atu publicadu;
 - nùmeru de sos esemplares de s'atu e/o de sas còpias cunformes trasmìtados;
 - s'autoridade o su sugetu chi at emìtidu s'atu publicadu e sos estremos identificativos suos;
 - ufìtziu in ue s'atu e sos allegados eventuales sunt consultàbiles;
 - sa data de cumintzu e de fine publicatzione;
 - annotatziones vàrias.
2. Sas annotatziones in su Repertòriu informàticu sunt cunsentidas a su Responsàbile de su servìtziu Albu pretòriu online e a su responsàbile de su protzedimentu individuadu in cunforma a s'art. 5 de su regulamentu presente.

Artìculu 13 - Atestatzione e tzertificatzione de publicatzione avènnida

1. Sa publicatzione avènnida devet èssere atestada cun relata apòsita de publicatzione, pro mèdiu de aposizione in s'atu originale o in una còpia de un'annotatzione apòsita o timbru, chi cuntenit su perìodu de publicatzione avènnida, cun sas datas de cumintzu e de fine publicatzione, sa data, su nùmene e su sambenadu e sa sutascritzione de su titolare de sa funtzione o unu delegadu suo.
2. Tzerticatziones eventuales de sa publicatzione avènnida, sunt sutascritas dae su titolare de sa gestione de s'Albu Pretòriu online o delegadu suo, subra de sa base de sa relata de publicatzione in fundu a s'atu o a sa còpia de s'atu custoida in sa disponibilidade de su Comune.

Artìculu 14 - Diritu de atzessu a sos atos publicados in s'Albu Pretòriu on-line

1. Su diritu de atzessu a sos atos publicados in s'Albu pretòriu online si esèrtzitat, si in casu mai sa connoschèntzia integrale issoro non siat possìbile pro mèdiu de sa publicatzione in su matessi Albu, segundu cantu dispostu dae sa lege n. 241 de su 1990 e modìficas e integratziones imbenientes.

Artìculu 15 - Intrada in vigore

1. Su regulamentu presente intrat in vigore coladas 15 (bìndighi) dies a fila dae sa publicatzione sua in s'Albu Pretòriu online, paris a sa deliberatzione de consìgiu de aprovatzione relativa.

Artìculu 16 - Normas de rinviu

1. Pro cantu non prevìdidu a manera espresa dae su regulamentu presente si rinviat a sas dispositziones legislativas in matèria, puru si subravènnidas, si e in cantu aplicàbiles.

